

L'Europa ha tema

Privels en Africa ed en il Balticum

DA GUIU SOBIELA

■ **L'Europa tschertga sia via. Quai para cler dapi l'invasiun russa da la Crimea 2014 ed anc dapi dapi il «na» englais a l'Europa 2016 – senza emblidar migraziuns ed attentats terroristics. Il mars 2017 ha in schabetg blier pli modest confermà lezza constataziun: Ina retschertga davart l'opiniun en Catalogna (7,519 milliuns olmas).** Dapi 2011 dominescha la Partida populara (PP, dretga) la vita politica spagnola; primminister è ses schef Mariano Rajoy Brey. La PP ha limità las competenzas constituziunalas da la Catalogna autonoma malgrà il giavisch clera-main exprimì da la populaziun catalana. En lezza è perquai anc creschida in'aspiraziun gia fitg ferma a sa separar da la Spagna (46,7 milliuns olmas) per furmar ina republica independenta. Regenza e parlament dal pajais, favuraivels ad ina tala separaziun, pinan in referendum per dar al pievel la pussaivladad da dir sch'el giavisch catalana independenta. Rajoy e sia regenza han dentant scumandà ina tala votaziun populara. Perquai ston ins spetgar in conflict avert tranter il stadi ed il pajais autonom, tant pli che las autoritads catalanas han empermess d'arranschar il referendum il pli tard per settember 2017 e da respectar sia decisiun positiva u negativa. Il model è la Scozia (5,422 milliuns olmas il 2016) che ha dastgà organisar 2014 ina tala votaziun ed ha lur acceptà democratica-main la decisiun negativa dal pievel.

Sondagis catalans

Oz astga la Scozia sa prestar da pretender puspè in tal referendum, oramai che l'Engalerra (54'786'300 olmas il 2016) cun ses «Brexite» vul l'obligar a sortir da l'Uniu europeica senza enconuscher las consequenzas da quella sortida. Il cas da la Catalogna è different: Sche lezza vuschass ina

giada per restar ina part da la Spagna na fiss ella betg pli legitimada da pretender in segund referendum. Gist in tal svilup è pussaivel. Quai mussa la retschertga d'opiniun arranschada il mars passà da la regenza catalana: 48,6% èn sa declarads cunter l'indipendenza, il december 2016 eran els mo 46,8%. Ils aderents da la secessiun eran 45,3% il december e mo pli 44,3% il mars passà. Ils aderents da l'indipendenza èn ussa dapi ch'è december (37,3% cunter mo 36,1%), ma igl è cler ch'in referendum dess probablmain la maiortad als adversaris da l'indipendenza. Quai na vul tuttina betg dir ch'i na valia la paina da pinar ina tala votaziun: Lezza mussass la forza da la schientscha nazionala catalana e legitimass la regenza da pretender cun vehemenza in'autonomia pli gronda; ina pretaisa analoga vegniss seguir dal Pajais basc «Euskadi» (2'164'311 olmas), fors schizunt d'in pajais autonom pli vast, per exempel la «Comunitat valenciana» (4'959'968 olmas) u l'Andalusia (8'388'107 olmas) cun il punct culminant da la Penisla iberica (3'478 m). Areguard il Reginam unì (unì fin cura?) n'enconusch'ins anc betg las consequenzas dal Brexit per quellas duas naziuns pli pitschnas che han vulì e vulan restar en l'UE, numnadain la Scozia e l'Irlanda dal nord. Ins sa mo ch'il «Brexite» englais exprimiva la tema da l'immigraziun.

Strategia globala tranter Maroc e Russia

Pertge è il «separatissim» catalan s'indebli suenter december 2106? Ils 18 da favrer 2017 a Barcelona han almain 160'000 umans, cun las presidentas da la citad e dal parlament catalan, demonstrà sut la devissa: «I tanscha cun las stgisas. Ussa lain nus beneventar.» Ina parlamentara ha declarà: «No hi ha frontieres ni llei [l'escha] ni Unió Europea que ens faci perdre l'obligaciò

moral d'acollir [«beneventar»] perquè parlem d'èssers humans» (1). I po esser che quella manifestaziun, colliada cun la crisa europeica da fugitivs, haja fatg tema e persvas «separatists» ch'i na saja betg il dretg mument per fundar in stadi nov sper il Mar mediterran. Tant pli che blers emigrads africans traversan la Sahara e provan lura d'entrar en las exclavas spagnolas da Ceuta e Melilla (per berb Septa e Mnitsch) sin la riva mediterranea dal Maroc. La gasetta «El Mundo» (Madrid) scriveva il 20 da favrer 2017: «Igl è reussì a bunamain 500 migrants dals pajais al sid da la Sahara da surpassar la miraglia da Ceuta (...) ils 17 da favrer; quai han fatg oz 356 enturn las 3.30 (...). Ina gruppa da var 600 umans è stada buna da far quai sco segunda en las davosas 72 uras.» Tals migrants n'èn atgnamain betg privlus; i vulan «mo» viver e lavurar en Europa. Terrorists da derivanza africana percenter èn savens natschids e creschids si en noss continent. La Spagna, commembra da l'Alleanza atlantica (Otan), sustegna sia strategia areguard la smanatscha dals fanatices «dschihadists». Ma l'aviatica militara spagnola, lunsch d'aver da sia basa da Zaragoza (Aragón), fa era part d'exercizis en il Balticum e la Pologna dal nord, schizunt ensemen cun bombardiers da pajais neutrals sco Finlanda e Svezia (2). La Catalogna, sco part da la Spagna, sa chatta aifer ina strategia globala per la defensiun da noss continent en fatscha a la Russia. Il spiert da cuminanza duess gidar a cumbatter la tema che pudess paralisar nossas naziuns.

1. Jessica Mouzo Quintáns ed Alfonso L. Congostina, Desenes de milers de persones marxan a Barcelona per l'acollida da refugiat, en: Gasetta online «El País Catalunya», 18 da favrer 2017, p. 2.

2. Funtauna: Julio Maiz Sanz en la gasetta online «defensa.com», ediziun America latina e Spagna. 01/04/2017: El rol de España en la OTAN, entre Rusia y la Yihad.